

Bringamosa

In The Spotlight

POTRETNAN DI HENDE MUHE NOTABEL

NOMBER : Dr. Nuris Maria Lampe

PROFESION : Dermatólogo - Oncóloga

MOTIBO : Un hende muhe arubiano cu un profesion notabel

PRONUNCIACION NOTABEL : E ta haya cu hende muhe tin hopi potencial, e hende homber tin forsa físico locual nos no tin.

Dr. Nuris Lampe a nace na Aruba y a lanta na San Nicolas. Na unda el a bay Prinses Irene School. Despues di school basico el a bay Colegio Arubano. Despues di Colegio Arubano Dr. Lampe a bay Venezuela y eynan el a obtene su bachillerato (b.c.) den ciencia. Na Universidad Central di Caracas el a aplica pa bay studia, e Universidad Central ta masha bon mira den comunidad Venezolano. Aki Dr. Lampe a studia seis aña pa dokter basico (basisarts). Ora el a caba su estudio el a traha un aña pa Gobierno di Venezuela pa pueblo nan chikito. El a traha como residente seis luna ariba cirugía inter-na, kinderafdeling ect. na un Hospital Académico.

Na aña 1992 Dr. Nuris Lampe a regresa Aruba y a traha na E.H.B.O. na Horacio Hospital pa casi 2 aña. Dr. Nuris a aplica na hospital General di Mexico pa bay studia Dermatología. Na aña 1996 e la regresa Aruba na unda el a traha 3 luna

na Centro Medico Carabobo. Na e mesun aña el a regresa Mexico na unda el a caba di specialisa su mes den oncología y cirugía dermatológica. Fin di luna di April Dr. Nuris Lampe ta cuminsa traha na Centro Medico Carabobo como Dermatólogo - Oncóloga.

Nos di Bringamosa a puntra Dr. Nuris Lampe : **Kiko ta su motivacion pa regresa Aruba despues di asina hopi tempo afo?** Dr. Lampe: "Mi a bai studia afo pero mi curason ta semper cu e deseo pa regresa mi pais Aruba na unda tur mi famia ta biba y locual ta hopi importante pa mi". **Di unda bo ambicion pa a escohe dermatología?** Dr. Lampe: "Tempo cu mi tabata den interne opleiding tabata tin un Profesor cu tabata scirbiendo un buki di "Facies" y nos como su estudiante a wordo inclui pa hasi investigación pa e buki. Door di tabata studia y lesa hopi buki frances, mi a gusta locual mi a haña

sa di "cuero", mi ta kere cu eynan mi ambicion pa "cuero" a cuminsa. Pero mas ainda ora mi a conoce e vak di dermatología mi a guste. Esaki tabata un experiencia hopi interesante, cu ta siña bo crese y bira doctor. Ta un prueba hopi importante cu bo ta pasa aden.

Na luna di mei Dr. Lampe lo biaha pa Paris, Francia pa participa como "Dermatólogo" den un Forum Mundial "Pediatric Dermatology Congress".

Nos di Bringamosa a puntra Dr. Lampe si e profe-



sion Dermatólogo ta domina pa e otro sexo? Dr. Lampe: "E ultimo 20 aña hende muhe a cuminsa di bai studia pa dermatología. Prome cu esey e tabata den mundo di hende homber pasobra e tin hopi di aber cu malesa di caya. Pero awor mas hende muhe ta escohe pa dermatología".

Den combersacion cu Dr. Lampe nos a haya sa cu cancer di cuero ta e malesa mas halto registra den e paisnan tropical. Y cu Melanoma ta un di e cancérenan di cuero mas agresivo y hende color blanco tin cuero menos fuerte. Mas bruin mas pigment, mas protección pero esey

no kiermeen cu e solo lo no por causa daño. Tur hende lo mester usa protección contra e solo fuerte di nos paisnan tropical.

Nos di Bringamosa ta desea Dr. Nuris Lampe hopi éxito como prome dermatólogo femenino aki na Aruba.

